



## Universitätsbibliothek Paderborn

**Floremundi Raemundi V. Cl. Olim Consiliarii Regis  
Galliarvm Ex Calviniano Catholici Synopsis Omnia hujus  
temporis Controversiarum tam inter Lutheranos,  
Calvinistas quam alios plurimos. Sive Historia ...**

**Raemond, Florimond de  
Coloniae Agrippinae, 1655**

IV. Calviniani Ministri missionem seu vocationem suam probare non  
possunt.

**urn:nbn:de:hbz:466:1-10880**

IV. Idem omnes alii minorum, ut ita dicam, gentium Ministri, passim fecerunt, qui vel sua ipsorum auctoritate Genevā prorepentes, vel à solo quam Calvinus aut aliis, qui ipsi nullam missionem habebant, missi, docendi in Ecclesia munus sibi sumperunt, sub illo praetextu, quod domum Dei, totam, si istis credere volumus, conspurcatam ac corruptam, expurgare ac restaurare vellent. Calvinus nēpe in mente non venit. Prophetas omnes maxime vigente in populo Dei idolatria, in synagogis eamē fuisse versatos (tantum abest ut eas destruere conati fuerint, ut Calvinistae jam faciunt) unitate discedendum non esse, etiam si aliqua vita & errores in eam irreperirent; modo fundamentū, quod Iesu Christus est, integrum maneat. Quamdiu enim Ecclesia est, divortrum cum ea facere minime licet, quamvis sit hominum malitia, sive negligētia Pastorū sit. Principum cōnveniētia, sive denique temporis longinquitate complures in eam irreperirent abusus. At Calvinus, Donatistarum aliorumque suorum majorum ac prædecessorum exemplo, Ecclesiæ repudium aperte misit; cum illis ipsis dictitans, sponsam illam Christi non amplius eandem esse quam olim, sed multis nēvis ac rugis deformem, ac sordibus contaminatam. Hoc est quod Beza in omnibus suis scriptis ad nauseam usque inculcat. Recte tu, mi Theodore. Eodem enim jure uxorem tuam dimittere ac utres suas sibi haberet jubere poteras, postquam scilicet ex Candida illa versibus, tuis tam honorifice decantata, anus edentula ac rugosa facta est; postquam nativus ille generum rubor in pallorem abiit; postquam scilicet candidæ illæ fauces nigredine contraxerunt, postquam denique omnis ille forma decor emarcuit. At Ecclesia nequaquam definit eadem esse Ecclesia, quæ olim durante primo illo vigore ac pulcritudine fuit; non minus quam spōsa, etiam amissa pristina quam nuptiarum tempore habuit formæ venustate, sponsa, tamen arque uxor mariti manet. Sed inquis, Esto: nil tamen prohibet quo minus novum ei ornatum addamus. O egregios ornatores! Credo, ut ornatior esset Ecclesia, caput ei amputare, ac jugulum ferire volueris. Boni isti reformatores ejus exemplum imitari mihi videntur, qui quum vicini domum negligenter custodiri videret, eam ipse invasit, ac legitimum dominum ejecit. Aut illius, qui vicini domo ardente, non aquam, sed ligna & oleum ad restinguendum scilicet incendium, apportavit. Dicitis vos,

Ecclesiatum Pastores in faciendo officio negligētes fuisse. At cur non eosdem bono vestro exemplo excitasti? Putanda arbor est, non exscindenda. Everenda domus est, non evertenda. Corrigēdus homo est, non occidendum. Quis vobis invadendi propria vestra auctoritate Ecclesiæ jus concessit? Quod si decem aut duodecim Iurisconsulti à schola adhuc recentes, Præsidem alicujus Curiae & senatores comprehendēderent, eisque ejēctis, & assumptis Iudicium habitu, tribunal occuparent, causati iustitiam hactenus eos non uti oportebat exercuisse, vel leges non intelligere: an recte hos fecissemus diceris? Si temerarius ille fatuus, qui purpuratis illis Parisiensis Curiae, quæ semper ipsius iustitiae templum fuit asylum, patribus impias & sacrilegas manus injicere ausus est, eorum quos velut in triumphum duxerat, & Bastillanæ arcis incluserat, munus usurpare voluisset, an vos Acta ejus & asseclarum tamquam regii & legitimi in regno nostro magistratu approbassetis? Quis vero unquam Prophetā vel Apostolus sine vocatione Verbū Deianunciare, ac Pastoris munus vindicare sibi atq; exercere ausus est? Recordamini, Domini Ministri, quæ Deus ejusmodi hominibus apud Prophetam Hieremiā miniterū, nec dubito quin, si non plane collū obduxerit vestra conscientia, divini judicii metus animas vestras vehementer sit percussurus.

V. Theologus quidam Gallus, Catholicus, Bononia Anno M D XL IIIX, in patriam revertens, quā per Genesiam iter faceret, atq; intellectisset Calvinum Episcopi ibi munus usurpare, hominem adiit & de ipsius vocatione privatim sermonem construit, sed aliud responsum exculpere non potuit quā id quod olim Donatistas S. Augustino dedisse fecerunt: scilicet, moris quidē in Ecclesia fuisse ut Ministri ordinaria quadā via ad munus id vocaretur, sed tum quām Ecclesia esset visibilis, & ad divinæ legis normam instituta; se vero quām nequaquam talem, sed penitus corruptam ac depravatā, immō sine ulla Ecclesiæ formæ invenerint, ministerium suscipere atq; ad id alios vocare necessario coactos esse. Hæc eadē veterum hæreticorum vox fuit, dicentium, Totum Mundum corruptum, atq; omne sincerae Christianæ religionis formam esse abolitā; quæ sola apud ipsi sana & integra reperiatur. Ergo nullus amplius (inquit Espencaeus, cuius singularis doctrina postea tā in sermonibus quam variis disputationibus enituit) nullus ergo, inquā, in orbe amplius fuit Christianus? Ergo Ecclesia id unū egit, ut infernū civibus impleret? Ergo demū ante